

LO TUATUA KPA MOSES

LO A LU EKUE

JENESIS

¹
Job 38:4-7
Ais 42:5;
45:18
Jon 1:3
Kol 1:16
Hib 1:10;
11:3
Mum 4:11
²
Jer 4:23
3
2 Kor 4:6

⁶
Job 37:18
Yoo 33:6
Jer 10:12

⁹
Job 38:8,
10, 11
Yoo 33:7;
95:5
Jer 5:22

¹¹
Yoo 104:14

¹⁴
Yoo 104:19
Jer 10:2
Joel 2:30,
31
Mat 24:29
Luk 21:25

1 Bu boātē Bari bee dem bunyoo le nyuowe. ² E nyuowe naa bee ere logo bera sa a bee tōō ekobu, e zii bee le si kē a toga; e Edoō Bari bee teṇa si dēdeē maa.

³ E Bari bee ko, “Doolo eē’dee le”; e eē’dee bee le. ⁴ E Bari bee mus eē’dee a ko a lee; e Bari bee poo eē’dee a lee loo zii. ⁵ Bari bee kue eē’dee a Sō-pie, e zii a na a kue Sō-edeē a. E sō unne le sō loore bee le, zii bira dee.

⁶ E Bari bee ko, “Doolo si bunyoo le yee dēdeē maa, sa doo ko a sere kuma yee maa le maa.” ⁷ E Bari bee doo si-bunyoo sa poo dēdeē maa lo a bee le keē si-bunyoo aāloo dēdeē maa lo a bee le nyoo si-bunyoo. E a bee le doo wo. ⁸ E Bari bee kue si-bunyoo a Bunyoo. E sō unne le sō loore bee le, lo eree bas bira dee.

⁹ E Bari bee ko, “Doolo dēdeē maa a le keē bunyoo lu ebongeloo aba do, sa doolo kagara kenekē sira.” E a bee le doo wo. ¹⁰ Bari bee kue kagara kē a Kenekē, e dēdeē maa a bee lu ebongeloo aba do na a bee kue Gbene-pene a. E Bari bee mus ko a lee. ¹¹ E Bari bee ko, “Doolo kenekē nyim lu wii, dēdeē nu a yere eyuu, e bee-te a mum bee lo wa eyuu wa le bu, zii zii aba dookē ye bera le doo, nyoo kenekē.” E a bee le doo wo. ¹² Kenekē bee nyim lu wii, nu efo a mum eyuu, a lu keekē dookē wa bera le doo, e dēdeē te a mum bee lo wa eyuu le bu, zii zii aba dookē ye bera le doo. E Bari bee mus ko a lee. ¹³ E sō unne le sō loore bee le, lo eree taa bira dee.

¹⁴ E Bari bee ko, “Doolo dēdeē nu a ne eē’dee si-bunyoo lo

bunyoo sere kuma lo sō pie lu sō edeē, sa doo ko ba lu edoba nu, le sō a bee lu esere, le buā dee le dua, ¹⁵ sa doo ko ba a ne eē’dee li si bunyoo lo bunyoo lo ene eē’dee nyuowe.” E a bee le doo wo.

¹⁶ E Bari bee dem bas gbene nu lo a ne eē’dee, lo gbene ko a bee sō pie, e lo gbagbara ko a bee sō edeē; e a bee demanage dēdeē zina. ¹⁷ E Bari bee wa yere bu si-bunyoo li bunyoo lo ene eē’dee nyuowe, ¹⁸ lo ebē sō pie le sō edeē, le lo epoo eē’dee lee loo zii. E Bari bee mus ko a lee. ¹⁹ E sō unne le sō loore bee le, lo eree nia bira dee.

²⁰ E Bari bee ko, “Doolo dēdeē maa nua eku eku nu a tōō dum, e doolo dēdeē enue pegi nyuowe teē si-bunyoo li bunyoo.”

²¹ Nyoo Bari bee dem dēdeē gbene nam a le bu gbene pene, le dēdeē nu a tōō dum awee nim keē maa, lo maa nua bee keekē si dee, dookē wa bera le doo, le dēdeē enue pee dookē wa bera le doo. E Bari bee mus ko a lee. ²² E Bari bee wa ne leelee, sa ko, “Manaa yii loo sa mma bu maa a le dēdeē gbene pene, sa doolo dēdeē enue yii loo bu nyuowe.” ²³ E sō unne le sō loore bee le, lo eree o’oo bira dee.

²⁴ E Bari bee ko, “Doolo kenekē nua keekē nu a le dum dookē dēdeē wa bera le doo; gbo nam-to le dēdeē nu a kuu-bu kenekē le nam-kue a lu keekē lo nyuowe dookē wa bera le doo.” E a bee le doo wo. ²⁵ E Bari bee doo nam-kue a lu keekē lo nyuowe, le nam-to a lu keekē, le eregeba nu a lu keekē a kuu-bu kenekē. E Bari bee mus ko a lee.

¹⁶
Deut 4
Yoo 13
9

¹⁸
Jer 31:35

²¹
Yoo 104:25,
26

26
Jen 3:22;
5:1; 9:6;
11:7
Yoo 8:6-8
Ais 6:8
Jem 3:7, 9

26 Lo sō Bari bee kō, “Dooraa i dem nēe bu ilii bera, dookē i mēā le doo; sa doolo ba ere ekpo lo bari a le bu gbene penē, le lo dēdēē enue a pēe bunyoo, le lo nam-to, le lo dēdēē nyuowe, le lo dēdēē nu a kuu-bu kē bu nyuowe.” 27 Nyowo Bari dee dem nēe bu ye bera, bu bera Bari na a bee ye dem a; nēdam le nēwa na a bee wa dem a. 28 E Bari bee wa ne leelee, e Bari bee wa kō ne, “Manaa sa yii loo, sa mma bu nyuowe, sa ye su seca kē i; sa ere ekpo loo bari a le bu gbene penē, le lo dēdēē enue pēe bunyoo, le lo eregeba nu a tōō dum a kiana bu nyuowe.” 29 E Bari bee kō, “Ep, m enea i dēdēē nu efo lo a ere eyuu a le si dēdēē nyuowe, e eregeba te lo a ere eyuu bu ye bee; bui erea wa doodoo nuede. 30 E lo eregeba nam-kue bu nyuowe, e lo eregeba enue pēe bunyoo, e lo eregeba nu a kuu-bu kē bu nyuowe, dēdēē nu a ere piogi dum, m enea eregeba nu a nyim nua nuede.” E a bee le doo wo. 31 E Bari bee mue dēdēē nu a bee doo, e ep, a bee lee gbene. E sō uune le sō lōre bee le, lo eree ini’ii bira dee.

27
Mal 2:14,
15
Mat 19:4
Maak 10:6
1 Kor 11:7
Efes 4:24
Kol 3:10
28
Jen 9:1, 7
Lev 26:9
1 Tim 4:3

29
Job 36:31
Yoo 104:14,
15; 145:15,
16

30
Yoo 104:27,
28; 147:9

31
Yoo 104:24
1 Tim 4:4

2
A’aa 20:11;
31:17
Hib 4:4

2 Bu lo si dee ama bee lu edoo bunyoo le kenekē sah, le dēdēē nu a wa le bu. 2 E nyoo lo eree ereba bira dee Bari bee sah ye tam a bee doo, e a bee fēereloo nyoo ereba bira dee aāloo dēdēē ye tam lo a bee si.

3 Nyōbee wo Bari bee ne leelee lo eree ereba bira dee sa ye sere nua kae, nyōbee nyoo lo dee na Bari bee fēereloo aāloo dēdēē ye tam lo a bee si bu dēdem nu a.

4 Alaba ama na dēdēē sō eku bunyoo le kenekē sō a bee lu edem wa a.

Bu dee Jehova Bari bee dem nyuowe le bunyoo, 5 sō lōgo nu a nyim bu wii sii bee nyim bu nyuowe, e lōgo nu efo bu wii sii bee si mēe—nyōbee Jehova Bari sii bee doo kō boo a doo nyuowe, e lōgo nēe a si tam wii naa bee le; 6 me tōdee bee aakē aāloo kenekē

sa debe dēdēē si kenekē— 7 lo sō Jehova Bari bee dem nēe aāloo esaā a le kenekē, sa fuuri piogi dum yere bu bae ye edee-biō; e nēe lu nu a tōō dum. 8 E Jehova Bari bee kwa zii kere uwe a lu ebe goh tema enene li Eden, bu si loo enaani wee sira aa; e lo kē na a bee sere lo nēe a ebee dem. 9 E Jehova Bari bee doo kō dēdēē te a lee sa kpe dēē sa lee lo nuede a si mēe aa kenekē, te dum bee lenage tas bu kere goh ama, e te suāloo le le poro bee lenage.

10 Zii penē bee bu aa Eden lo awēe yere maa bu goh a, e lo kē na a bee poa lu nia penē a. 11 Bee tuatua bee kura Pishon; ale na penē awēe bu enene dēdēē buē Havila, kē gold le; 12 e gold lo buē ama lee; bdellium le dem onyx le lo kē. 13 Bee lo eree bae penē a kura Gihon; ale na awēe bu enene dēdēē buē Kush. 14 Bee lo eree taa penē bee kura Hidekel, lo a bu tsē dee kē enaani wee sira aa lo Asiria. E lo eree nia penē na Yuftetis.

15 Jehova Bari bee su nēe a sa bee ye yere bu goh Eden lo esi tam bu, le lo esere ye. 16 E Jehova Bari bee ne lok nēe a, sa kō, “O dap ge de eregebah te a le bu goh ama bu yoro; 17 mē bee a aaloo te suāloo le le poro na oo ere ede a, nyōbee dee o de bee a ye aaloo o ga le u.”

18 Lo sō Jehova Bari bee kō, “A naa lee kō nēe ama a tōō aba ēē; m ga le kwa nēe yerebah a boloo ye nē.” 19 Nyōbee wo Jehova Bari bee kwa eregeba nam a le bu wii, le eregeba enue pēe lo bunyoo aā bu esaā, sa bee doo kō ba lu lo nēe a, lo emue nu a ekue wa; e eregeba bee nēe a bee kue dēdēē nu a tōō dum, lo ama na a bee lenage ye bee a. 20 Nēe a bee ne bee dēdēē nam-to, le dēdēē enue pēe bunyoo, le dēdēē nam a le wii; mē nēe a naa bee mue lōgo nēe yerebah a ye boloo. 21 Nyōbee wo Jehova Bari bee doo kō nēe a a do bu gbene daa, e sō a le daa a su zii ye ekpo-koo ye lee loo sa sikē su namloo mmene lo do; 22 e ekpo-koo lo Jehova Bari bee su aāloo nēe

7
Jen 3:19;
7:22
Job 33:4
Eklis 12:7
1 Kor 15:
45, 47
8
Jen 13:10
Ais 51:3

9
Jen 2:17;
3:22
Mum 22:2,
14

11
Jen 25:18
1 Sam 15:7

14
Dan 10:4

19
Jen 1:20, 24

21
Jen 15:12
1 Sam 26:12

23
Jen 29:14
Biae 9:2
2 Sam 5:1
1 Kōr 11:8
Efes 5:30

a na a kwa nua nēswa a, sa ye su ne
nēē a. 23 Lo s̄s̄ nēēdam a bee kō,
“Ehēē, ale ama na ekpo a aaloo
dēdēē na ekpo
le namloo a aaloo na namloo a;
ga le lu ekue ye Nēswa,
nyonebee a bee lu esu ye aā bu
Nēēdam.”

24
Mat 19:5
Maak 10:7
1 Kōr 6:16
Efes 5:28-31

24 Nyōbee lo ba ama na nēē
eleēbaloo ye te le ye ka sa dabaloo
ye wa, sa ba lu aba etene namloo a.
25 E nēē a le ye wa, bae aba bee le
eko-tē, e kēē naa bee wa bōp.

1
Mat 10:16
Mum 12:9;
20:2

3 Me yōo bee ērē kīānana ēē
eregeba lo dōōna nam-kue lo
Jehova Bari bee dēm. A bee kō ne
nēswa a, “Bari bee kō ge ‘Bui aa
de bee a aaloo eregeba te a le bu
gōh a’?” 2 E nēswa bee kō ne
yōo a, “I dap de bee eregeba te a
le bu gōh; 3 me Bari bee kō,
‘Buii le de bee lo te a le tae yēē bu
gōh, ale daa ye baloo, taā a doo
bui u.’” 4 Me yōo a bee kō ne
nēswa a, “Buii le u. 5 Nyōnebee
Bari suā kōmē s̄s̄ bui de bee a ye
aaloo na bae dēē i eyēa, e bui le
doodoo Bari, sa suā le le pōrō.”

6
Hos 6:7
Rom 5:12
1 Tim 2:14

6 Nyōbee wo s̄s̄ nēswa emōna kō
te a lu le nuede, a lunage nu a
nia dēē nēē, e kōmē te a bee ye
taē lokwa a ērē suānu, a bee su ye
bee sa de; e a bee nenage siga
ye dam, e ale bee denage. 7 Lo
s̄s̄ dēē bae aba bee yēēa, e ba bee
suā kō ba kiā eko-tē; e ba gba
epanya fig lo zīī nua nu e’uwasī tō
wa.

8
Job 31:33
Yōo 139:1-
12
Jer 23:23,
24

8 E ba bee dā mūē Jehova Bari
s̄s̄ a bee kīāna bu gōh s̄s̄ dee fiitōo, e
nēē a le ye wa bee gō loo wa lēē
kēē si Jehova Bari yēē dēdēē te a le bu
gōh. 9 Me Jehova Bari bee kue
nēē a, sa ye kō ne, “Me kēē na o
le a?” 10 E a bee kō, “M bee dā
o mūē bu gōh, e bōō bee mē aa,
nyonebee m bee le eko-tē, e m bee
gō loo mē.” 11 A bee kō, “Mēē
na a bee a kō ne kō o bee le eko-tē
a? O bee de ge aaloo te mda
bee a ne lok kō o a de?” 12
Nēēdam a bee kō, “Nēswa lo o bee
mē ne kō a tōs̄ mē loo, ale na a bee
mē ne bee te a, e m bee de.” 13
Lo s̄s̄ Jehova Bari bee kō ne nēswa
a, “E na a le lo nu o bee doo ama?”

10
Job 23:15

12
Kam 28:13

Nēswa bee kō, “Yōo a bee mē dag
e m bee de.” 14 Jehova Bari bee
kō ne yōo a,

14
Ais 65:25
Maika 7:17

“Nyonebee o edoora lo nu ama,
kaē nu ele a ne eenyōo dēdēē
nam-tō,
le eenyōo dēdēē nam-kue;
o ga le ku-bu-kē lo o kiā,
e esaā na o ga le de
dēdēē dee lo o dum.

15 M ga le sere baaloo yēē olo le
wa a,
le yēē oloo eyuu le aleē eyuu,
a ga le bii o ekobee kuma kē,
e olo ga le bii ye tē-kpōn-tō
kuma kē.”

15
Ais 7:14
Mat 1:23,
25
Luk 1:34,
35
Rom 16:20
Gal 4:4
Mum 20:1-
3

16 E a bee kō ne nēswa,
“M ga le doo kō o dumenu a yii
loo bu o su bu;
bu dumenu na o ga le maē pya
o miōnō a,
kerewo o tae nu ga le le ne o
dam,
e ale ga le bee a.”

16
Jen 16:21
1 Kōr 11:3
Efes 5:22-
24
Tait 2:5

17 E a bee kō ne Adam, kō,
“Nyonebee o bee gbaētō lo
mūē o wa,
sa bee de aāloo te a
lo mda bee a ne lok,
‘O a ye de aāloo,’
kaē nu le ne kenekē nyōbee olo;
bu epiaga na o ga le de nu ye
aāloo yube dee lo o dum;

17
Jen 5:29
Eklis 2:22,
23
Rom 8:20-
22

18 suu le biōnobiōkue na a ga le si
a ne a;
e o ga le de nu a bee lu efo bu
wii.

19 Lo kiere o si
na o ga le de fituru
mme s̄s̄ o obia ina lo kenekē,
nyonebee aa bu ye na a bee lu
esu a nua;
o lu esaā,
e lo esaā na o obiage kii a.”

19
Jen 2:7
Job 34:15

20 Nēē a bee kue bee ye wa Iv,
nyonebee a bee le ka dēdēē pya a
tōs̄ dum. 21 E Jehova Bari bee su
kpa nam daā nu yaa loo Adam le
ye wa, sa wa yere loo.

22 Lo s̄s̄ Jehova Bari bee kō;
“Ep, nēē a elea doodoo zīī ili, sa
suāloo le le pōrō; e nyawo, taā a
doo a niina bah ye sa su nu aāloo
te dum a, sa de, sa tōs̄ dum mme
deedee”— 23 nyōbee wo Jehova
Bari bee ye ture lēē bu gōh Eden,
lo esi tam kenekē lo a bee lu esu ye

22
Jen 2:9; 3:5

24
Jen 2:8
Yoo 104:4
Hib 1:7

aã bu. 24 A bee kpo nee a kuma
ee; e lo si enaani wee sira aa lo goh
Eden a bee sere pya cherub le ego-
miã gẽ no lo a kiya eregeba si dee,
lo ekpega dee te dum a.

lo

Nama Testament

le

Aa Testament



The Bible Society of Nigeria